



Sebahagian pegawai dan kakitangan MPK yang hadir dalam Majlis Ikrar Bebas Rasuah.

Hampir 1,000 pegawai, kakitangan MPK ikrar bebas rasuah

2 OKTOBER 2017 SINAR HARIAN
PEGAWAI dan kakitangan Majlis Perbandaran

Kuantan (MPK) digesa melaksanakan tanggungjawab dengan betul dan penuh integriti.

Yang Dipertuanya, Datuk Fadzillah Salleh berkata, dengan melaksanakan kerja diberikan secara berintegriti dapat menghindarkan diri daripada gejala rasuah.

"Inisiatif ini merupakan satu langkah dan dorongan untuk meningkatkan daya kerja dengan penuh dedikasi. Kita mahukan semua kakitangan menyemai semangat untuk banteras jenayah ini di samping menjalankan tugas dengan baik dan penuh tanggungjawab," katanya.

Beliau berkata demikian dalam ucapannya

pada Majlis Ikrar Bebas Rasuah bersama MPK, di Dewan Jubli Perak Sultan Ahmad Shah, di sini, baru-baru ini.

Seramai hampir 1,000 pegawai dan kakitangan hadir dalam sesi taklimat dan ikrar yang dilaksanakan. Turut hadir Pengarah Suruhanjaya Pencegahan Rasuah Malaysia (SPRM) negeri, Datuk Alias Salim.

Menurutnya, melalui pendekatan ikrar bebas rasuah ini secara tidak langsung perbelanjaan dan operasi pihak berkuasa tempatan dapat diuruskan secara teratur.

"Untuk pengetahuan semua, kami memang sangat komited dalam memerangi rasuah di semua peringkat dalam organisasi," katanya.